














D17  
70-Aa

ΑΑΑΑΑ

$\frac{207}{6}$

3m



ΕΚΔΟΤΙΚΟ  
"ΚΟΜΥΝΙΣΤΗΣ"







Ι Λ Ι Α Δ Α

1935  
Ροστοβ-Ντον  
ΕΚΔΟΤΙΚΟ „ΚΟΜΥΝΙΣΤΗΣ“







D 17  
70-Aa

# ΟΜΗΡΟΥ „ΙΛΙΑΔΑΣ“ ΤΟ Α

ΜΕΤΑΦΡΑΖΜΕΝΟ ΣΤΙΝ ΠΟΝΤΙΑΚΗ  
ΜΕ ΠΡΟΛΕΓΟΜΕΝΑ ΚΕ ΣΙΜΙΟΣΙΣ

558a



ΕΚΔΟΤΙΚΟ „ΚΟΜΥΝΙΣΤΗΣ“  
ΡΟΣΤΟΒ-ΝΤΟΝ 1935



Переводчик **И. ФОТИАДИ**

Ответ. редактор **А. ПРИНОС** Техред. **Г. МИЛИДИ**

---

Сдано в набор 25-V—1935 г. Подписано в печ. 5-VI—1935 г.

Издание № 168

Уполкрайлит М—01537

Формат бумаги 62х94

Объем 2 печ. л.

Тираж 3590

Знаков в 1 печ. л. 29.920

Заказ № 933

---

Типография и переплетная „Коммунистис“, Ростов н-Д 1935 г.



## ΠΡΟΛΕΓΟΜΕΝΑ

ΝΤΟ ΣΙΜΑΣΙΑΝ ΕΧΝΕ ΤΑ ΠΙΪΜΑΤΑ ΤΥ ΟΜΙΡΥ.

Τρία σχεδον χιλιάδες χρόνια επέρασαν, αςυ επροτοφάνθαν τα κ'άτα τυ Ομίρυ. Σ'αφτο το αναμετακσι εκσέβαν κε αλ μεγάλη πι-τε ςα διάφορα μέρι τυ κόσμυ, έλαμπσαν αλ ολίγον, αλ περισότερον κερυν, ι περισότερι όλος διόλυ ενεσπάλθαν κε μερικι αναστορέφκυνταν ακόμαν όπος όπος.

Τυ Ομίρυ όμος τα πύματα, εθαρς οσίμερον εγράφαν. Ι εμορφάδα κε ι ακσίατυν κι'ολιγοστεβ κε κ'εβρίετε ςον κόσμον άνθρωπος, ολίγον, πολα πολιτιζμένος, με έςθιμαν κε με ιδέαν τυ όμορφυ κε τυ καλυ, πυ να μι μελετα, να μι θαβραζ, να μι εκτιμα τα πύματα τυ Ομίρυ. Πυτε, ςινγραφς, φιλόσοφι, επιστίμονες, ικονομολόγι, κινονιολόγι, ιστορικι, ο καθένας εβρικ ς'αφτα ιλικον πολίτιμον για τιν τέχυν κε τιν επιστίμινατ.

Ι „Ιλιάδα“ κε ι „Οδύςια“ εμεταφράςταν όχι μίαν κε δύο φορας απ'τυς καλίτερυς πυτας κε ςινγραφς ς'όλα τα γλόςας τυ πολιτιζμένυ κόσμυ.

Δίο ίνε τα αθάνατα πύματα τυ Ομίρυ· ι „Ιλιάδα“ κε ι „Οδύςια“. Εμς κατα το παρον μεταφράζομε ς'εμέτερον τι γλόςαν το πρότον κεφάλεον, αςα 24 κεφάλεα τι „Ιλιάδας“.

ΤΑ ΕΤΙΑ ΤΥ ΤΡΟΙΚΥ ΠΟΛΕΜΥ, ΣΙΦΟΝΑ ΜΕ ΤΟ ΕΛΙΝΙΚΟΝ ΤΙ ΜΙΘΟΛΟΓΙΑΝ.

Ο Πιλέφς, άκςιον παλικάρ, βασιλέας τι Φθίας επάντρεδεν κ'επέργεν γινέκαν τιν θεαν Θέτιν, τι θιαγατέραν τυ Οκεανυ. Σι χαραν



έσαν προσκαλεμεν ολ ι θει κε ε θεες, εκτος τιν Εριν τι θεαν τι φιλονικίας. Ντ'εφτάι ατε, για να εκδικάτε; Περ έναν χριζον μίλον, γραφ απαν, „ή καλή λαβέτω“, διλαδι „έμορφος ας πέριατο“, κε σίριατο ασο δρανιν απες ζιν έθυσαν, οπυ έτρογαν κε έπιναν ι θει.

Εχαλάεν ο χορον, εγέντον χαραμ ι διασκέδασι! Φοβερον φιλονικίαν, πίος ασι θεας θα περ το μίλον. Ι μικρι κ'ι παρακατιανι ι θεες εσίρθαν οπισ, ι Ιρα, ι Αθινα κε ι Αφροδίτι μαλοσίρκυν, κρύγνε κε πέρνε. Ι Ιρα, ι γινέκα τυ Δία, τυ ανότερου θευ, πιζμον νε κε καλα „τεμον εν το μίλον“, ι Αθινα, τυ Δία ι κόρι, ι θεα τι γνόςις κε τι σοφίας, „όχι, — λεί, — το μίλον ζ'εμεν ανίκι“. „Κυρπαν εφτάγοςας κε τι δις“, — πιζμον ι Αφροδίτι, τι ομορφάδας ι θεα, — το μίλον γραφ, ι έμορφος ας πέριατο κι'ασόλον έμορφος εγο ίμε. Αφυ κ'ετέριασαν αναμετακσίατυν, επίγαν ζον Δίαν, να κρίνιατς. Ο Δίας για να εφτάγιατς τεφ ασο κιφάλνατ, στίλιατς με τον Ερμιν, τον ανκελιοφόρονατ, ζο βυνον τι Ιδισ, ζον πνέμορφον τον τσοπάνον Πάριν, τον γιον τυ Ηριάρυ, τυ βασιλέα τι Τροάδας, για να κρίνιατς εκίνος, κε να δι το μίλον τιν ομορφότεριν. Ο Πάρις εδόκεν το μίλον τιν Αφροδίτιν κ'εκίνε πα έτακζενατον τιν ομορφότεριν γινέκαν τι κοζμι. Εμορφότερι τι κοζμι πα έτον εκίνον το κερν ι Ελένι, ι γινέκα τυ Μενελάυ, τυ βασιλέα τις Σπάρτις. Ετακσίδεπςεν ο Πάρις ζιν Ελάδαν, έπςεζενατα με τιν Ελένιν, ζ'αντρύατς τιν αποσίαν επιγαδιάςεν, επέρενατεν κ'επίεν ζιν Τροάδαν, ζιν πατρίδανατ.

Επέρεν φωτίαν ι Ελάδα, κε προ πάντον ο Μενέλαον κι' αδελφόςατ Αγαμέμνον, ο βασιλέας τον Μικινον, ετοπλάεπςαν στρατέματα, ετίμασαν караβια, για να πάγνε να πατυν τιν Τροάδαν, να πέρνε οπισ τιν Ελένιν, να εκδικίουνταν για το μεγάλον τιν προζβολιν κε το ρεζιλυκ, ντο έρθεν ζι Ελίδας το κιφαλ.

Αετς πα ερχίνεζεν ο Τροικος πόλεμος, πυ εβάστακςεν δέκα χρόνια. Ας όλον ίστερα ι Ελινες εκατόρθοσαν, με τα πονιρίας κε τα τεχνάζματα τι Οδισέα, τυ βασιλέα τι Ιθάκις, να κιριέδνε τιν Τροάδαν, να κέγνε τιν πολιτίαν, να εχμαλοτιζνε τυς κατίκυς, αφυ προτίτερα εκκότοσαν πολα πεδιά τυ Ηριάρυ κε προπάντον τον Εκτοραν, τον πλέον ανδριομένον κε τον αγαπεμένον τον γιόνατ.

#### Ι ΙΠΟΘΕΣΙ ΤΙ „ΙΛΙΑΔΑΣ“

Ι „Ιλιάδα“ αρχινα με τιν φιλονικίαν τυ Αχιλέα με τον Αγαμέμνονα. Σον πόλεμον απες ι Ελινες επάτεζαν έναν μικρον πολιτίαν



σα περίχορα τι Τροάδας, εγιαγμαλάεψανατο κε επέραν πολος εχμέ-  
λοτους. Τα εμορφότερα τα κορίτσια εμίρακσανατα αναμεσάτων ι αρχιγι.  
Ο Αγαμέμνον επέραν σο μερτικόνατ ασόλον τιν εμορφον, τιν Χρисиί-  
δαν. Ο πατέραςατς, ο Χρίτις, ο ιερέας τυ Απόλονα, έρθεν σο ελινι-  
κον στρατόπεδον με λίτρα κε αρμαγάδας, ερύκxen σα γόνατα, επαρακά-  
λεsen τι Ελινας κε προπάντον τον Αγαμέμνονα κε τον Μενέλαον  
να δίγνατον τιν θιαγατέρανατ κε να πέρνε ς' ατεν αντίκρι τα πλύσια  
τα λίτρα.

Εστρέχταν ολ ι Ελινες, ο Αγαμέμνον ραζις κ' εγέντον: ιβριsen,  
εφοβέρτxen, εδίεκxen τον Χρίτιν. Εκλάφτεν ο γέρον son Απόλονα,  
επαρακάλεsenατον να εκδικάτε τι Ελινας.

Ακούι τιν εφχίνατ ο θεον, κατιθεν ασον Ολιμπον, τοκσεβ με  
τα φαρμακερα τα τζιρύτιατ το ελενικον το στρατεμαν, θερίζιατς ι  
χολέρα.

Ο μάντις Τιρεσίας περ θάρος ασον Αχιλέαν, λεί ανιχτα ότι  
ο Απόλον πεδέβιατς, εκs ετίας, πυ ο Αγαμέμνον κ' ελεφθέροsen τι  
ιερέα το κοριτς.

Θιμον ο Αγαμέμνον, ταζιρλαεβ τον μάντιν, ιπεραςπίςκετιατον  
Αχιλέας κε πιάςκετε με τον Αγαμέμνον. Ιβρίzne άςσκεμz ο ίνας  
τον άλον, ετιμαςκετε Αχιλέας να καρφον το μαsσερ ς' Αγαμέμνου  
τιν καρδιάν, εμποδίζιατον ι θεα Αθινα. Ο Αγαμέμνον cτιλ τιν Χρι-  
σιίδαν son πατέρανατς, εκs αλυ πα cτιλ κε περ, με το ζορ, τιν  
Βρισιίδαν, τίναν εδόκανε ι προεcτι τον Αχιλέαν, όταν εμίριακxαν  
τα λάφια.

Φυμιζ ο Αχιλέας, ερεθίςκετε, άλο κι περ μέρος son πόλεμον  
κε σα cινεδριάcις, πάι ολομόναχος σο γιαλακρ, κλεί, παρακαλι τι μά-  
νανατ, τιν Θέτιν να πάι son Ολιμπον, να καταπιθ τον Δίαν να βοι-  
θα τι Τροαδίτας να νικον τι Ελινας κε να περ ατος τα χαίφιατ, για  
το μεγάλον τιν προζβολιν τυ Αγαμέμνονα. Πάι εβρικ ολομόναχον  
τον Δίαν ι Θέτις, παρακαλι, καταπίθιατον ν' εφτάι τι γιόατς το  
θέλιμαν.

Μαθάνιατο ι Ιρα, πιάςκετε με τον άντρανατς. Φοβερίζιατεν  
ατος, εμπεν σο μέσον ο γιόcατ, ο Ιφεcτον, cιμβιβάζιατς.

Ατυκα τελιον το πρότον κεφάλεον τι „Ιλιάδας“.

Ο Δίας, cίφονα με τιν υπόcχεcινατ, αρχινα να βοιθα τι τροα-  
δίτας: εδγέne εκs αco κάcτρον τα παλικάριατον, μονομαχον με τα  
ελινικα παλικάρια. Μονομαχα ο Πάρις, το πολέμυ ο έτιον, με τον  
Μενέλαον. Νικα ο Μενέλαον τον Πάριν κε τιν cτιγμιν, πυ θα καρ-  
φον τιν λόγχιν cιν καρδιάνατ, γλιτόνιατον ι θεα Αφροδίτι κε φέρια-



τον σα παλάτια, ς' Ελένης τιν ανκάλιαν. Χτιπιούνταν ο Εας με τον Εκτοραν. Πλιγύτε ο Εκτορας, λαρόνιατον ο Απόλον. Χορίουνταν ι θει, γίνταν διο κόματα. Ι Θέτις κε ο Δίας βοιθον τι τροαδίτας, ι Ιρα κε ι Αθινα ςίρνε με τι Ελινας. Γριλέβνε τι τροαδίτας Αγαμέμνον, ο Μενέλαον, ο Εας, ο Ιδομενεφς κε τα άλα τα ελινικα τα παλικάρια, ριμάζνε τι Ελινας ο Εκτορ, ο Ανχίσις, ο Σαρπιδον κε τα τροαδίτκα τα παλικάρια, το έμαν τρες άμον ποταμ, τα λέςσια ςκεπάζνε τον κάμπον. Γίνετε προσορινον ανακοχι, θάφνε κι' ασα διο μέρι τι ςκοτομέντζατον κε κσανακοχλακιζ ο πόλεμον.

Σον πόλεμον πέρνε μέρος κε ι θει, γίνταν μαςσερ κε κρέας αναμεζάτον, ςκύτε τυ Ολίμπυ το τιρλιχ. Ο Δίας δι αφστιρον διαταγιν, να ρι βοιθόνε ι θει ύτε τυς Ελινας κι' ύτε τι Τροαδίτας.

Οσον όμος δυνατα παλικάρια κιαν έσαν ι Ελινες, Δία βυλι έτον να νικιούνταν. Αφίνε τον κάμπον, φέβνε, κατιδένε ςο γιαλον, ςα καράβιατον. Ο Εκτορας νικιτις, ανδριομένος, καταδιόκιατς. Ι τροαδιτ ςζέρυνταν, εορτάζνε, άφνε φοτοχισίας, θισιάζνε ςι θευς εκατόμβας.

Τι Ελινας εκιρίεπςεν ο φόβον κε ι απελπισία. Ο Αγαμέμνον εζένκεν κα το νιφαλ, εςτάβροσεν τα ςζέρια, νυνίζ, εφτάι ςιμβύλια με τ' αρχιγυς εντάμαν, ντο μέτρα να πέρνε, για να γλιτόνε αςο μεγάλον το κακον. Στιλ αντιπροσόπυς ςον Αχιλέαν, παρακαλίατον να έρτε βοιθατς, τάζιατον αρμαγάδας κε χαρίζματα, διάτον ιπόςχεσιν να κλοθ οπις τιν Βρισιύδαν.

Πονι ι καρδιά τ' Αχιλέα, λιπάτε τι Ελινας, αλα τον όρκονατ κι πατι κε το θιμόνατ κι' αναςπαλ.

Ι έλινες επέραν τον κατέφορον, ιμέραν με τιν ιμέραν χιροτεριβ ι θέςιατον. Ι τροαδιτ επάτεσαν αςόλια τα μερόθες, εχάλασαν τα ελινικα τα προχόματα, εταγιανεπςαν ςα καράβια, θα δίγνατα φοτίαν.

Ο Πάτροκλον, ο πιστον κε αγαπιμένον ο φίλον τ' Αχιλέα κλέι κε παρακαλίατον να περ μέρος ςον πόλεμον. Ο Αχιλεφς ο ιδιον κι πάι, ςτέργετε όμος να δι τιν αρματοσίνιανατ τον Πάτροκλον. Αρματύτε ατος με τιν πανοπλίαν τ' Αχιλέα, ορμα με τον ςτρατόνατ απαν ςι τροαδίτας, νικατς, κυβαλαέδιατς υς τα καστρόπορτα. Εβρίκιατον όμος ςιν καρδιάν απες ι τοκσαρέα τυ Εκτορα, ςκοτύτε ο Πάτροκλον. Απαρματόνιατον ο Εκτορας, περ αποπάνατ τα όπλα τυ Αχιλέα. Κλόςκυνταν κσαν ςο φεπσίον ι Ελινες.

Εκίνο, ντο κ' εκατόρθοσαν τα τακσίματα κε τα παρακαλίας τ' Αγαμέμνονα κε τον αρχιγον, εκίνο ντο κ' εκατέφεραν ολ ι Ελινες, κατόρθοσενατο ο θάνατον τυ πελιαγαπιμένου φίλυ. Ομνισεν φοβερον όρκον ο Αχιλέας να εκδικάτε τυ Πάτροκλυ τον θάνατον, να ςκοτον



τον Εκτοραν, το προτοπαλικάρον τι Τροάδας, τον πολιτίμετον κι' αγαπιμένον το Πριάμυ τον γιον, τον σεβκιλιν τον άντραν τ' έμορφος τ' Ανδρομάχης.

Παρίνχιλεν, μέσον τι μάνασατ νέον πανοπλίαν στον Ιφεςτον. Ετιμάγαν τ' άρματατ, ντο ίνε κι' άλο κίνε κε προπάντον ι ασπίδατ, όπου απαν ο θεικον ο τεχνίτες ο Ιφεςτον επσιλοδύλεπσεν όλια τι πολιτίας κε το χορι τα εργασίας κε τα σινίθια.

Ερματόθεν με το νέον τιν αρματοσίνιαν Αχιλεφς. Απέσατ κέι κε μανιζ ι λίπι για τι φίλιατ τον θάνατον, το πάθος, ι εκδίχιςι. Εκσέθεν στον κάμπον για πόλεμον. Πόσι μανάδες θα μαβροφορυν, νιφάδες θα σειορέβνε, πόσα μορα θ' ορφανίυν ασα σερίατ.

Στραφτ κε θροντα ο υρανον, σίετε ι γι, σιντρομάζνε τι Αδι τα θεμέλια! Ι θει πα άλο κι κρατέφκυνταν, πέρνε μέρος στον πόλεμον κε σιν εματοχισίαν. Ι Ιρα, ι Αθινα, ο Ποσιδον, ο Ερμις, ο Ιφεςτον με τι Ελινας, ο Αρις, ο Απόλον, ι Αρτεμις, ι Αφροδίτι με τι τροαδίτας. Θεριζ τι τροαδίτας, άμονστάσσια Αχιλεφς, ριμαζ κε σπιρ τον θάνατον, όπου περα το άρμανατ. Σκοτον δίο γιυς το Πριάμυ. Ο Ενίας κε ο Εκτορας ολίγον έλιπσεν να πάγνε ασα σερίατ. Εγλίτωσανατς ι θει, πυ επροστάτεβαν τιν Τροάδαν. Ριμαζ τι Τροαδίτας Αχιλεφς, αντίκριατ νε παλικάρια κε νε θει ταγιανέβνε.

Ο Εκτορας τερι άλο τρόπος κεν, πρεπ να εβγεν σι μονομαχίαν με τον Αχιλέαν.

Διαρμενέβιατον ο πατέραςατ, ο γέρον ο Πρίαμον, παρακαλίατον ι μάνατ, ι Εκάβι, κςσιν διάκρια έματα ι γινέκατ Ανδρομάχι, με το μορον τον Αστιάνακτα σιν ανκάλιανατς, πολεμυν να εμποδίζνατον. Τίμιον κε άκσιον παλικαρ ο Εκτορας κ' επορι να ιποφερ τι πατρίδαςατ τι σιφοραν, κανίναν κι' ακύι, αρματότε, εβγεν σι μονομαχίαν.

Τζατέβνε, πολεμυν τα δίο λεοντάρια παλικαρ τρανον ο ένας, τι παλικαρίον το παλικαρ ο άλος. Πλιγόνε ο ίνας τον άλον κιασόλον ίστερα το δόρι τ' Αχιλέα τριπεν πέραν κε πέραν το Εκτορα τιν καρδίαν. Απαρματόνιατον τι θεας ο γιον, δένιατον ασα παδάρια σ' αρμανατ οπισ κε τζοκανίζιατον ολόγερα σο κάστρον τι Τροάδας.

Ελέπνε το μάβρον το σειρ ασα καστρότιχα ι τροαδιτ. Κλέγνε, μιρολογυν, γαραλαίζνε. Κρύι τιν καρδιάνατ, αχπαν τα γένιατ ο γέρον ο κίρτσατ, μιρολογα, φτυλίετε ι μαβρομάνατ Εκάβι, μαλοχτυπίετε, τσαραπίετε, λιγύτε κι' απολιγύτε άχαρος Ανδρομάχι.

Δεμένον σ' άρμαν οπισ, κοβαλι σι σκινίνατ Αχιλεφς το λίπσανον το Εκτορα. Ετιμαζ ίστερα μεγαλόπρεπον θισίαν, λυζ, μιρον κ' ενταφιαζ τον Πάτροκλον. Το Εκτορα το λίμπσανον ματομένον,



λασπομένον, άλυστον κι' αμίροτον κίτε εμπροστα σιν σκινιν, σι σσκι-  
λι κε σι γάρταλ το έλεος. Κανις κι τολμα να έρτε πσαλαφάτο.

Αποφασιζ ο γερο-Πρίαμον, τι Τροάδας ιπερίφανον κι' ο δο-  
κσαζμένον ο βασιλέας, άγρια μεσάνιχτα να σσκιζ το ελινικον στρατό-  
πεδον, να έρτε σι Αχιλέα τι σκινιν, να ρυζ σα ποδάριατ, να τάζια-  
τον ασιμ κε μάλαμαν, να κλεί κε να παρακαλίατον, να διάτον τι  
Εκτορα το λίμπσανον.

Ο Αχιλέας, άνκε ερεθιζμένος κε ορκιζμένος κ' επορι να τα-  
γιανεβ· λιετε ι καρδίατ, όνταν τερι τον σεβάζμιον το γέρον, με τ' ά-  
σπρα σσιόνια τα μαλία να ρυζ σα ποδάριατ κε να κλεί, αμον μορον  
πεδιν. Κλεί κε ο ίδιον με τον Πρίαμον εντάμαν, θιμάτε τον γέρον  
τον πατέρανατ, δι τον Πρίαμον τυ Εκτορα το λίμπσανον.

Φερ το νεκρον τι γιύατ ο Πρίαμον σ' ανάκτορα. Τοπλαέφκετε  
όλεν ο λαος. Αρχινα ι θάινασι κε τα μιρολογίας. Τα λαλίας, εδγεν  
σον υρανον κε αντιχυν σο ελινικον στρατόπεδον. Δύζνε, μιρόνε, εντα-  
φιάζνε τον Εκτοραν με όλα τα τιμας κε τα ακσιόματα.

---

Ατυκα τελιον ι „Ιλιάδα“, το όλον 24 κεφάλεα.



## ΑΣΙΝ ΙΛΙΑΔΑΝ ΤΥ ΟΜΗΡΥ.

### Α.

Τραγοδ' θεα,<sup>1</sup> τον φοβερον θυμον τυ Αχιλέα,  
αι Αχείον το κιφαλ πολα κακα, πυ ένκεν,  
Παλικαρίον π' έστιλεν στον Αδιν πολα πρσία  
κε με τα λέςσια χόρτασεν όρνεα κε θερία,  
γιατι λογοπιάστανε Ατρίδης κι' Αχιλέας.  
Τρανος ο ίνας ίροας κι' ο άλλος — βασιλέας.

Σο μάλομαν, ασι θευς, πίες σεπεπς εγέντον;  
Ο γιον τυ Δία — τι Λιτυς. Ατος ασον Ατρίδιν  
εθίμοσεν κε σο στρατον εκρέμκεν τι χολέραν,  
γιατι, τον ιερέανατ, τον Χρίσιν, Αγαμέμνον  
πολ' άςκεμα επρόζβαλεν, σο στάμαν όνταν έρθεν,  
να στον τι θιαγατέραναι, με τάγματα κε λίτρα.<sup>6</sup>  
Τ' Απόλωνα τα στέματα κε το χρисον το σκίπτρον  
εκράνεν, κε τι Αχευς θερμα επαρχάλνεν,  
κι' ασόλον πολα τι τρανυς, τι δίο τι Ατρίδας.  
— Ατρίδε κ' εσιν Αχει, άκσια παλικάρια,  
να βοιθύνε ι θει τ' Ολίμπυ,<sup>5</sup> να νικάτε,  
σα στέριασυν να βάλετε το πλύσιον τιν Τρίαν<sup>8</sup>

---

1, 5, 6, 8. Τα αριθμους χίτα σα ειμιόσις.



τι Πρίαμο, κε άβλαβις' οσπίτιασιν να πάτε!  
Για το χατίρ τ' Απόλονα, δόστε κ' εμεν τιν κόριμ,  
κ' επάρτενε αντις' ατεν, ντο ένκασας τα λίτρα!

Ε:τρέχτανε ι Αχειςι γέρονος τα λόγια,  
κ' ίπαν να δίγνε το κοριτς, να δέχκυνταν τα λίτρα.  
Ατρίδισ Αγαμέμνοναςς' στο ραζις κ' εγέντον·  
φοβέρτσεν, κακολόγεσεν κ' εδιέκσεν τον γέρον.  
— Αλ' αδακες μ' ελέποσε γέροντα, σα καράβια,  
νε τόρα κε νε ίστερα. Απ εμπροσταμ να χάσε,  
κι' ομυτ μ' εφτας σα στέφανα κε σι θευς τα σκίπτρα!  
Τιν κορ οπισ κι δίγατεν, θέλατεν για τ' εμέναν.  
Σ' Αργος ατεν θα φέρατεν, μακρα ασι γονείσατς,  
να έχατεν σον αργαλιον, τιν νίχταν — σο κρεδάτιμ.  
Κι' ατόρα έλα, πάστρεπσον, τιν πςσις αν κ' επιδέβες.

Ετρόμακσεν ο γέροντας, εκόπεν ι καρδιάτ,  
οπισ εκλόστεν έφκερος κε το γιαλακρ επέρεν.  
Μακρα πάι κι' απόμακρα, τ' Ατρίδας καταράτε,  
κι' απο καρδίας προσεφχιν εφτάι σον Απόλον:  
— Ακσομ' αργιροτόκσαρε, δικόπορε τι Χρίσας,  
τι Κίλας, τι πλυτόχομυς, τι Τένεδυ προστάτι!  
Ραζις αν ίσε ας εμεν, για το ναος ντο έχτσα  
κε σο βομος<sup>9</sup> ντο έσπακσα, ντ' επίκα τα θισίας<sup>8</sup>,  
φαρμακ πίσον για τ' Αχευς ντο έκςσιςα τα διάκρια!  
Εκσεν τυ γέρυ τιν εφχιν ο φοβερον Απόλον  
κ' εχπά:τεν ασον Ολιμπον θολος κε τζιλομένος.  
Σ' ομίατ λάμπι το τοκσαρ, σα μέσατ ι φαρέτρα,  
τσαρονπυλίζνε τ' άρματατ, τζακλίζνε τα τζιρύτια,  
κε σο θιμόνατ ομιαζ μελανιαζμένον νίχτα.  
Ερθεν, γονάτσεν αντικρις' Αργίον τα καράβια,  
φαρμακερα επέτακσεν το τόκσονατ τζιρύτια.



Προφί μολάρια σιν αρχιν, γοργόποδα εσκιλία  
Κε κλοσσεκετ' ίστερα ε' ανθρωπος· θερίζιατς ι χολέρα,  
Κ' ι ζοντανι τ' αποθαμεντς να θάφνε κι προφτάνε.  
Ενέα νιχτοίμερα θεριζ κε πάι ο χάρον,  
σα δεκ' απαν σινέδριον καλι ο Αχιλέας,  
με τι θυλιν το θεικον τ' ασπρόλενυς τι Ιρας  
π' επόνεσεν τι Αχευς κε θελ ν' ελεφθερόνιατς.  
Κι' αμον ντο έρθαν ολ μαζι εκάτσαν σιν αράδαν,  
εκύτε ο γοργοπόδαρον κε λέγιατς Αχιλέας.  
— Εναν ελπίδαν ίχαμε ε' οσπίτιατυν να κλόσκυν,  
ασι πολέμυ το κακον όσι θ' ελεφθερόνταν.  
Κι' ατόρα 'κσον τον πόλεμον θερίζμας κ' ι χολέρα.  
Ελάτ' ας σιβυλέφκυμες κανέναν ιερέαν,  
για ανιχτιν ασι μαστόρτς, πυ εκσιγυν τ' ονέρτα.  
Λαςς τι θυμυ τ' Απόλωνα ατος λεί τιν ετίαν.  
Εφχας αν θελ, τακσίματα κε πλύσιον θισίαν·  
αλιματιάρκα πρόατα, μαβρότριχα εγίδια  
κε εκατόμβας, για να στεν' να πάθνε τον θιμόνατ,  
κε το κακον να κρύι οπισ ντο κεί κε αφανίζμας.  
Ατα ίπεν, εκάτσαν κα, εκύτε απαν ο Κάλχας·  
τι μαστορίον μάστορας κ' εκζάχυστον ο μάντις,<sup>2</sup>  
Π' εκσερ ντο ιν, ντ' εγέντανε, σο μέλον ντο θα γίνταν.  
Μπρολάτες ατος τ' Αχευς εκσένκεν υς τιν Τρίαν,  
με το σοφον τιν τέχνηνατ, τ' Απόλωνα τα χάρτας.  
Ερχίνεσεν να ομιλα, τ' ομάτιατ σον Πιλίδιν.  
Λέςμε να σκύμε ν' ομιλο, αετς μι εν, Πιλίδι,  
κε τι χολις τ' Απόλωνα να λέγο τιν ετίαν;  
Θα λέγατο, ορκίστ' κε σι εμεν ντο θα εφτάζμε  
ντο πρεπ τιν ιπεράσπισιν, αν κάπιος προζβάλμε.  
Γιατι, ακύστε, το εαστον αν λέγο, θα χολιάζο

---

2. Κίτα σιμιόσις.



ίναν τρανον, κε για τατο φογόμε κε τρομάζο.  
Εκσέρο πως κι, τεριαζ εχτρον για να εφτάγο,  
μικρος εγο κι' αδίνατος, τρανον κε βασιλέαν,<sup>4</sup>  
πυ αν θ'αφτάι ιπομονιν, κι θα πιράζμε ατόρα,  
για να πεδέβμε όπος θελ θ'έβρικ μινκιν κε όραν.  
Ορκιστ, κε πέμε φανερα, θεας γενεμασέα,  
θα βοιθάζμε, γιόκσα γιοκ, ε'αγίκα περιστάσις;  
Ο Αχιλεφς, γι'απάντισιν, γιριζ κε λέι τον Κάλχαν.  
— Ιντιαν θα λες ελέφθερα, κανίναν μι φοάσε!  
Σ' Απόλωνα το όνομαν, τιν χαρ'εσεν π'εδόκεν,  
ορκίσκυμε· ενόσο ζο κ'εχ'ανιχτα τ'ομάτιαμ  
απάνις εσερ ντο κι θ'απλον ας Αχευς κανίνας,  
ας εν κιας όλον ο τρανον, ας εν κε Αγαμέμνονι  
Επέρεν θάρος κι'ανιχτα ομίλεσεν ο Κάλχας.  
— Θισίας ο Απόλωνας κ'εθέλνεν κ'εκατόμβας.  
Εθίμοσεν κ'εχόλοσεν, γιατι ο Αγαμέμνον  
τον ιερέαν ίβρισεν, τιν χορ οπισ κ'εδόκεν.  
Γι'αφτο εκλιρα επέδεπσεν κι'ακόμαν θα πεδέβμας,  
όςπυ οπισ κι ετίλομε τιν κόριν ει γονείσατς,  
κι ατον κεκσιλεόνομε με πλύσια θισίας.  
Ατα ίπεν κ'εκάτςεν κα ο γερομάντις Κάλχας.  
Δανκεθ κε εκύτε σο ποδαρ ο ίρος Αγαμέμνον  
μελανιαζμένος, ι χολι κεί άπσιμον απέσατ.  
Τ'ομάτιατ ετσινάκσανε, επέρανε φωτίαν,  
τον Κάλχαντα ζαροτερι, ιβριζ κε βλαστιμάτον.  
— Πρόστικε, κακοχάπαρε! Ασο κσερον το στόμας  
κανέναν λόγον χαιρλιν κ'εκσένκες υς ατόρα,  
ι πςσις ίνε τα πσέματα κε τα διαβολάντας.  
Κι'ατόρα πα γομόντς κε είρτς, κε καταπιθς τον κόζμον,  
Απόλον πως εθίμοσεν κ'εχρέμσεν τι χολέραν,

---

4. Κιτα σιμιόσις.



γιατι τι Χρίσι το κοριτς εγω οπισ κ'εδόκα,  
τα λίτρα, ντο επρότινεν, εγω ατα κ'εδέχτα!  
Δέτς θέλο, θα έχατεν, καναν ατεν κι δίγο,  
γιατι απαν λογάζατεν κε ασιν Κλιτεμνίστραν,  
τι νόμιμον τι είζιγομ, πυ αναμένμε σ' Αργος!  
Αν εν όμος βυλι θευ κε προσταχι τ' Απόλον,  
σα κιρυκατς θα ετίλατεν, για το καλον τ'ολότις.  
Ειν πα όμος σ'ατινες τον τόπον ετιμάστε  
άλο κοριτς να δίτεμε. Κι πρεπ για ν'απομένο  
μ' έφκερα εσέρια, αρχιγος κε ε'όλτς απαν ο πρότον!  
Σκυτ' ο Πιλίδις Αχιλεφς σα λόγιατ απαντάτον.  
— Αχόρταγε, να λέγοσε, ανώνιγε Ατρίδι!  
Απόπυ να εδρίκνατο, κοριτς εσεν να δίγνε  
ε Αχει ι τρανόκαρδι, αφυ κε εμριιάγαν  
όλα ντο ίχαμε εο εσερ κι ασο ταλαν ντ'επέμεναν,  
κε κσαν να τοπλαέφκυνταν, αδίνατον εν πράγμαν!  
Θευ αφυ εν θέλιμαν, δόσατς τιν Χρισιίδαν,  
κ'εμικ διπλα κε τρίδιπλα εσεν θ'εφχαριστύμε,  
αν βοιθύνε ι θει κε εβδοκα ο Δίας  
κε τι Τροάδα; πέρομε το πλύσιον το βίον.  
Σ'ατα αντίκρι απαντα ο άρχον Αγαμέμνον.  
— Ατα άλτς δέβα πέατα, θεόμορφε Πιλίδι  
κε άλτς τέρεν για να κομποντς, αγίκα 'γο κι' ακύο!  
Τιν Βρισιίδκς θελτς να είς κ'εγο τεμον να δίγο,  
κε με τα εσέρια έφκερα να ετέκο κι' αναμένο;  
Ακσον ντο λέγο, κι'αρχιγι κι'ολότι ας ακύγνε.  
Εαν εσιν κι δίτεμε το δόρον, ντο τεριάζμε,  
θα πέρατο κε με το ζορ, κίντιαν ειφέρτσας πίστε.  
Ασα κορίτζα· τ' Εαντα, τεσον, για τ' Οδικέα  
θα πέρο τίναν θέλο 'γο, χορις να εροτόσας.  
Αλα ατα ιν ιστερνα να γίντανε δουλίας.  
Ατόρα, εο κιφαλ απαν караβ ας αρματότε.



Θιςίας βαλτ' ατυ απες, με το κοριτς εντάμαν  
κε αρχιγον απανκεκα ασι ιρδους ίναν.  
Τον Εαν, τον Ιδομενεφ, ίτε τον Οδισέαν,  
ίτε εσεν, ανόνιγε κι' ασάγεφτ' Αχιλέα.  
Τ' Απόλωνα λαας τριφερεν τα δόρα τιν καρδίαν  
κε τιν χολέραν κρύι οπισ κιασο κακον γλιτόνμας.  
Ζαροτερι ο Αχιλεφς, βραζ ο θιμος απέσατ.  
— Αχ, πρόστικε, ανέντροπε, χαραμοφάγε, κλέφτει!  
Σα λόγιας πίοσ επορι να φτάι εμπιστοσίνιαν,  
κε τιν στρατίαν ν' ακλυθα, να θισιαζ τιν πρίσινατ;  
Ντὲ θάρεσες; Να πολεμο, έρθα τι τροαδίτας,  
χορις κανέναν αφορμιν, χορις σκοπον κ' ετίαν;  
Ι Τρόες βύδιαμ κ' έκλεψαν κε νε κε αγελάδιαμ!  
Τιν γιν, τιν λιπαρόχομον, το πλύσιον τιν Φθίαν,  
χορίζνατο ας ατυνυς θαλάσας κε ρασσία,  
κι' εγο κινα κι' αμίριαγα με τιν Τροάδαν κέχο.  
Εσεν, τον αφιλότιμον εκλύθεσα κε έρθα,  
να πολεμο για τιν τιμιν τεσον, τυ Μενελάυ,  
ντ' επρόζβαλεν κι' ατίμασεν ο τροαδίτες Πάρις.  
Ατα εσι κι λογαριαγς κε φοβερίγςμε κιόλα,  
να περτς το δόρον, με το ζορ, ντ' εχάρτςεμε ολότα.  
Σα μάχας κε σα κίνδινυς, σα τέρτια, σα σκυτύρας  
πάντα εγο εμπρολατο κε πάντα κινδινέβο!  
Σα λάφιρα<sup>7</sup>, σο μίραγμαν εσι είς το προτίον  
κι' αρπάις ασόλον το πολα κι ασόλον το καλίον.  
Εγο, σ' ολίγα έστεργα κ' ελάλνα υς ατόρα.  
Εφταν, κε άλο κ' επορο, ιπομονιμ εσόθεν!  
Θ' αφίνοσε απες ει μες, θα πάγο σιν πατρίδαμ  
με τα καράβιαμ, το στρατομ κε θα τερο το πόις  
πος θα κερδιγς τον πόλεμον κε θα τιμας το σόις!

---

7. Κίτα σιμιόσις.



Ασι χολίνατ το πολα λανκεδ κε σκυτ' Ατρίδης  
κι' ανὺνιγα κε άπρεπα προζβαλ τον Αχιλέαν.  
— Πίος κρατίσε; δέβα χαθ, κι θα παρακαλόσε!  
Αλ Αχει ας ιν καλα, τ' εμα τα παλικάρια,  
κι ο Ζεφς ο παντοδύναμον, τιναν εγο λατρέβο!  
Ζατι εσεν νεριάστασε, ν' ελέποσε κι θέλο,  
ντο είς αγίκον άσσκεμον πιστιμ κε χαραχτίραν,  
ντο αγαπας τα σκάνδαλα κ' ι περσις ιν τα καβγάδας.  
Κι' ατόρα, όρχυ καλι, κανίνας κι κρατίσε,  
Κανις τ' εσον ανάνκιν κεςς, κε τει παρακαλίσε;  
Κε για να σπαντς κι' άλο πολα, ν' εβγεντς ασα πετσίας,  
αλ έναν κιαλ' ας λέγοσε κι ας κέετε ι καρδίας.  
Οπος Απόλον ας εμεν αρπαζ τιν Χρικίδαν,  
αετς εγο πα ασεσεν θ' αρπάζο τιν Βρισίδαν,  
τιν κορ τιν σσιλεπλὺμιγον, με τα ρυδένια μάγλα.  
Θα δίκνο πόσον χαμελα εβρίυζν' ας εμέναν  
εσι κε ολ, πυ με τεμεν πασσικίζνε να μετρίουν.  
Επέρεν βρύλαν Αχιλεφς, εκάεν, εμανίεν.  
Κι κσερ, ντο πρεπ για να εφτάι, σα δίχυτα εβρέθεν.  
Σι Αγαμέμνω να καρφον το στίθος τι σπαθέαν,  
γιόκσα ν' εφτάι ιπομονιν, να μι εβγαλ λαλίαν;  
Κ' εκι πυ έτιμος θα σιρ ασο θεκαρ τιν κάμαν,  
ι κορ ι μεγαλόχαρι επρόφτασεν, τυ Δία  
ι Αθινα, κε σίριατον ασα κσανθα μαλία.  
Σ' ατόναν μόνον ορατι, ι αλ ατεν κ' ελέπνε.  
Εσσάσσεπσεν, κλόστεν οπισ, τερι ο Αχιλέας.  
Οπίσατ στεκ ι Αθινα, ι γαλανοματύσα,  
θεα τρανι κ' εκσάκυστι, τυ Δία θιαγατέρα.  
— Θεα, ντο εν το έτιον κι' απαν ι γις κατίδες;  
Γιαμ έρθες το κακον ν' ελεπς ντ' επίκεμ' Αγαμέμνον;  
Λέγατο, κ' ίμε θέβεος θα γίνετε ντο λέγο  
ατος μ' ατα τα μιαλατ άσσκεμον έχι τέλος.



Γιριζ ι μεγαλόχαρι κε λεί τον Αχιλέην.  
 — Για να πραίνο τι χολις, απαν ιγισ κατίβα,  
 αποσταλμέντσα τι θεας, τ' ασπρόλενυς τι Ιρας,  
 πυ αγαπα εσεν κιατον κε δικ ενδιαφέρον  
 κε για τι διονόνεσυν εκσίςυ το σιφέρον.  
 Ελα ατόρα, ι χολις ας στέχι κατα μέρος,  
 βάλεν τιν κάμαν σο θεκαρ κε ντόςατον με λόγια,  
 κι' άκσον εγο ντο λέγοσε κε ντο θα γίνταν τάζο.  
 Κερος θα έρτε κε πικρα ολ θα μετανούνε,  
 θα τρέχνε, θ' αραέδνεσε κε θα παρακαλύνε.  
 Ας εν τι Ιρας το χατιρ, ασεν τ' εμον αγάπι!  
 Πράινον τόρα το θιμος, ντο λέγομεσε πίσον.  
 Σ' ατεν ο φτεροπόδαρον γιριζ λεί ο Πιλίδις.  
 — Κιαν βραζ απέσιμ ο θιμον κ' ι κάρδιαμ καφυρίζι  
 σα λόγιας, πρεπ ακρόασιν εγο, θεα, να δίγο.  
 Ιπεν, κι' οπισ κσαν σο θεκαρ τιν κάμανατ εσένκεν.  
 Ι Αθινα επέτακσεν, σον Ολιμπον εκέβεν,  
 με ταλτσ εκάτσεν τι θευς, σι Δία τα παλάτια.  
 Ο Αχιλεψ ερχίνεσεν κε λόγια μεσιμάρια  
 ς' Ατρίδι τα φιλόκαρδα καρφον απέναν έναν.  
 — Ι εσκιλ π' έλικσαν το κατσις, μεθίστακα, χαμένε,  
 Σα μάχας λαγοτζίκαρε, ζαλυμ κε φοβετζέα!  
 Σον πόλεμον πάντα οπισ, τσυπύσε σα τριπία,  
 σι λάφιρυ το μίριαγμίαν αςολτσ εμπρος κε πρότος.  
 Πιντσ τυ λαυ τα έματα, χαιθάνια γιατι έβρες,  
 Αγυρτσ αν ίσες εμπροστας, το σίμερον ιμέρας  
 το ιστερνον θα έτονε, καλα ας εκσερτσ, Ατρίδι!  
 Λέγοσε λόγον σοβαρον, τρανον εφτάγο όρκον.  
 Νε, μα το σκίπτρον, ντο κρατο· ατο άλο νε φίλα  
 κε νε κυμόςσια θα εβγαλ· εκόπεν, εγλυπίεν.  
 Σα εσέριατυν ι βασιλις κρατόνατο κι' αρχόντι,  
 σίνεδρι όνταν κάθουνταν κε λεν κι' αποφασίζνε.



Σ' ατο ομνίγο κε εγο, τρανον εφτάγο όρκον!  
 Ανεν ποτε κ' ι Αχει θα έχνε τιν ανάνκιμ,  
 όνταν αμον θερνυ κοκιν ο Εκτορας θερίζιας,  
 βοίθιαν κςάι μι αναμεντς, Ατρίδι ας εμέναν,  
 για το τρανον το λάθοςις, ντ' επρόζβαλεζμ' ατόρα.  
 Ιπεν, έςκοσεν κ' έςιρεν τ' ολόχρισεν το σκίπτρον,  
 κι ατος εκάτςεν πλανκεχα, μακρα αςιν ολότιν.  
 Ας ατυνυς κε ίστερα σκυτ' ομιλα ο Νέστορ·  
 ασπρόμαλος κε ασπρογεντς, τυ λόγου καταθέτες.  
 Το μελ τρες αςο στόμανατ κε γνωστικα τα λόγιατ,  
 πολα ίδεν κ' επέρασεν σο μάκρος τι ζοίσατ.  
 Ερχίνεσεν να ομιλα, εςσίτοσαν τ' οτία·  
 ατον ακύγνε όλιατυν, ατον ολ αφυκρύνταν.  
 — Ναιλι εμας, τρανον κακον τιν Αχείαν έβρεν!  
 Ο Πρίαμον, ι γενεατ, κε ολ' ι τροαδίτε  
 χαραν τρανον θα σςέρυνταν, αν τίχι κε μαθάνε  
 το ρεζιλυκ το σιμερνον κε το σειρ ντ' εγέμες.  
 Αχύστε ντο θα λέγο ςας, ντόστε οτιν ςα λόγιαμ!  
 τ' ινος διπλάζο, τ' αλυνυ τριπλάζο γο τα χρόνια,  
 κε παλικάρια έτιχα πολα αςεςας καλίον,  
 πυ ολ το λόγομ έκυαν, ντο έλεγατς επίναν.  
 Ει, πόξε, μάβρε Δρίαντα, Πιρίθεε, Κενέα.  
 Εκςάδιε, Πολίθιμε κ' εκςάχυστε Θιςέα!  
 Ντ' ανθρωπ έσαν, ντο γίγαντι κε ντ' άγνα παλικάρια!  
 Με γίγαντας πολέμαναν κε μ' άγρια θερία,  
 κι' αντριομένι έδγεναν κε πάντα με προτία.  
 Αρ με αγικς ίχα εγο αγάπιν κε φιλίαν,  
 κε ολ εμεν ετίμαναν κ' ιπόλιπςιν επίναν.  
 Ελάτε ακύστε με κ' εςιν, ντο λέγοςαςε πίστε.  
 Αφςατον εσι το κοριτς, μι πέρτςατο με θίαν,  
 αφυ για τιν ανδρίανατ επέρανατεν δόρον.  
 Πιλίδι, μι προζβαλτς κ' εσι τρανον κε βασιλέαν<sup>4</sup>,

4. Κίτα σιμιόσις.



ασι θεὸς χάριν πῦρ εἰς δόξαν καὶ μεγαλία.  
 Τρανὸν ἀνίστασθαι παλιν, θεὰ κίαν ἐν ἱμάνας,  
 Ἀτρίδης ἐν κιάλῳ τρανός, πῦρ πλείγῃς ἐκκυσιάζει  
 Ἀτρίδι, νίκη τι χολίς καὶ μ' ἀνασπαλτὶς καὶ τάλο·  
 ντο ἐν σ' ἐσεν ὁ Ἀχιλεὺς βοίθια μέγαλον,  
 ρον πόλεμον, καὶ κίνδυνος καὶ καὶ ἀπείρα μάχας.  
 Σχύετε, σο γέρον ἀπαντὰ ὁ βασιλεὺς Ἀτρίδης.  
 — Καλὰ λες, γέρο, γνωστικὰ καὶ ἐμὸρφα τὰ λόγια!  
 Ἀλλὰ αὐτὸν ἐλέπσατον; μετὰ τὸ κοντὸν τὸ νύνατ,  
 αὖς οὐτὶς ἀπανθελὶ γὰρ νὰ στεκῇ καὶ οὐτὶς αὐτὸς ν' ορίξῃ.  
 Καὶ ἰθεὺς ἀνδράσιν δόκανατον καὶ χάρτα,  
 καὶ ἵπνατον καὶ νὰ προζβαλῇ σ' αὐτὸν ἀπαν πῦρ στέχνε.  
 Στραβοτερεὶ ὁ Ἀχιλεὺς, λείπει τ' ἱστέρνον τὸ λόγον.  
 — Πρόστιχος νὰ ἐν τὸνομα καὶ φοβετίζεις λόγος,  
 εἰς σ' ἐσὶ τὰ προσταγὰς ἐγὼ κεφαλὴ θὰ κλίνω!  
 Ἀλλὰ δέβα πρόστακτον εἰς καὶ μάττον, ντο ν' ἐφτάγνε,  
 ἐγὼ καὶ λογαριάζομαι καὶ τὴν ἀνάνκην καὶ ἔχω!  
 Ἀκούων ντο λέγομαι ἐγὼ καὶ ἰαλὰ παρὰ ἀκούγνε.  
 Γὰρ τὸ κορίττις καβγαν ἐγὼ σκοποὺν κέχοι ν' ἐφτάγο.  
 Ἐδόκετεματεν εἶναι, εἰς παρὰ τὴν ἐπάρτε.  
 Σ' ἐμὸν ὅμως τὸ βίον κες, ντο ἔχοι σο καράβι  
 κανίσεις ἀνὰ πλίσια καὶ γὰρ ἀπλὸν τὸ σέρναται  
 αὐτότε, λέγατ' ἀνιχτα, θὰ κολιμπατὸ ἔμην,  
 νιφάδες θὰ σσιορέφκυνταν, πεδία θ' ὀρφανίουν.  
 Αὐτὸς αὐτὴν ἐμάλοσαν καὶ ἰσινόδος ἐλίεν,  
 καὶ Ἀργεῖ καὶ καράβιατον ὁ καθεὶς ἐπείγεν.  
 Ἐχπάστεν, παῖ καὶ ὁ Ἀχιλεὺς μετὰ τὸν Μενετιάδην  
 καὶ μετὰ τὴν ἄλυσιν τὴν σιντροφὴν θλιμένος, φουρκιζμένος.  
 Ἰὼ Ἀχαιοὶ θάλασσαν γοργόφτερον καράβιν  
 ἐξίραν, μετὰ τὴν προσταγὴν τοῦ ἀρχόντα Ἀτρίδι.  
 Τὴν Χρυσίδα ἐκίαντες, θήματα, εκατόμβην  
 καὶ κοπιλάττις ἴκος νοματὶς, ἐσένκαν, καὶ Ὀδυσσεὺς



μιζότερος απάνατυν. Εχπάσταν κε θα πάγνε.  
Φισα αέρας ύριος, φυσκόνε τα πανία,  
άμον τζιρυτ πάι το караβ κε τρίζνε τα σκινία.

Απαδαμερ το στράτεμαν νιχυ τριχυ επλίσταν,  
επίκαν τιν εφχίνατυν, έσπακσαν τα θισίας,  
τα χρέατα εσύδλικσαν, πεδεκςσιαζμένα πσένε,  
κ' ι μίρια 'ντάμαν κε καπνος σον υρανον εδγένε.  
Ατα σο στάμαν γίνυνταν. Εκς άλυ Αγαμέμνον  
τιν πίκανατ πα κι' ανασπαλ κε στιλ τ' ιπασπιστάσατ,  
ας Αχιλέα τιν σκινιν να πάγνε κε να φέρνε  
Τιν κόριν τιν ρυδόμαγλον, τιν έμορπον Βρισιδαν.  
Κιαν ζυκακεβ ο Αχιλεφς, κι' αντίστασιν εφτάι,  
θα πάι ατος με το στρατον, θα πέριατεν με βίαν.  
Αγίκον δόκεν προσταγιν ατιντς ο Αγαμέμνον,  
κ' ιπασπιστε τιν προσταγιν πάγνε να εκτελύνε.  
Περίλιπι κε σσασσεμεν το θαλασακρ επέραν,  
έρθανε κ' εταγιάνεπσαν ει Αχιλεφ το στάμαν.  
Ατος ει караβι το γιαν καθύταν λιπεμένος,  
κι' απο μακρα 'μα ίδενατς, εγρίκσεν τιν ετίαν.  
Εκιν εκοντοστάθανε, ατόναν αναμένε,  
να λέγνε, γιατι έρθανε εντρέπουνταν, διλένε.  
Καλοσορίζιατς Αχιλεφς, αρχιζ τιν ομιλίαν.  
— Καλοσορίστε κίρικες τυ Δία κε τ' Ατρίδι,  
πυ έρθετε να πέρετε τ' εμον τι Βρισιδαν.  
Τιν κόριν δόσατς, Πάτροκλε, κε σο καλον ας πάγνε.  
Μάρτιρας όμορ τι θευς καλο κε τι ανθροπυς.  
Μάρτιρας για τον άτιμον, τον πρόστικον Ατρίδιν  
καλο κε τι ιπασπιστας, σα λόγια ντο θα λέγο.  
Θάρτε κερος τι Αχευς ι Τρόες θα γριλέβνε  
Κε βοιθον θα χρέσσεκετε εμέναν ο Ατρίδης.  
Ορκίςχυμε, βοίθιαν ατον ντο κι θα δίγο,  
κιαν θα ριμάετ' ο στρατον, κιολ Αχει κιαν χάνταν.



Ο Πάτροκλον τρεῖς ἐκτελα τιν προσταγὴν τι φίλιατ'  
 αἰν σκινὴν ἀπὲς ἐβγαλ τιν ἑμορφον Βρισίδαν,  
 κε διάτεν τ' ἱπασπιστας, να παν σον Ἀγαμέμνον.  
 Ἐχπάστανε, παι κ' ἰ κυτζί με τατυνυς, θλιμέντσα.  
 Σταλαφαρίζ ο Ἀχιλεψ, χορίετ' αἰ φίλτσατ,  
 κε πάι κε κάθετε μακρα σο θαλασακρ μονάχος.  
 Τερι το μαβροπέλαγον, κε σίτια τρεχ τα δάκριατ,  
 τι μάναναιτ σιτιαμλαεβ, τ' Οκεανυ τιν κόριν.  
 — Λιγόζοον επίκες με, θεα εσι κε μάναμ!  
 Κι' ο Ζεψ ο αστραπόβροντον, Ολίμπιον ο Δίας  
 τ' εμα τ' ολίγα να γλικεν ετέριαζεν τ' ἡμέρας!  
 Ἀντι ε' ατο ἰ τίχιμ ἰν πίκρας κε προζβολάντας,  
 ντο κεν τρόπος να σίρκυνταν, ντο κιν να ἱποφέρκυν.  
 Κλεί κε παραπονίετε, ακύγιατον ἰ μάναιτ,  
 πυ με τον κίρνατς κάθυτον σι πέλαγυ τα βάθια.  
 Ασα νερα τα γαλανα εκσέθεν, αμον δίσα,  
 ε' ακρόγιαλον επρόφτασεν, συμόνι το πεδίναιτς  
 Φιλίατον, χαιδέβιατον, σίτια σπονκιζ τα δάκριατς,  
 κε εροτα κε ερομα τα πόνυς κε τα τιάρτιατ.  
 — Ντ' έπαθεσ πέμε το πυλιμ ντο κλες κι' αναστενάζις  
 πέατο ας εκσέρατο κ' εγο ἰ μαβρομάνας.  
 Βαριστεναζ, σιτ' απαντα, ο γιόσατς Αχιλέας.  
 — Ας λέγοσατ' αἰν αρχιν, κρίσον εσι, μανίτσα!  
 Επέραμε με πόλεμον, τιν πολιτίαν Θίβαν,  
 τα λάφιρα μυν, ο καθις, εσένκαμε σι μέσεν,  
 κ' ἰ προεστι πρεπύμενα, ἐμίριακσανε όλια,  
 κι' αςολυνυς τιν ἑμορφον εδόκαν τον Ατρίδιν.  
 Ο κίρτσατς έρθεν ἱστερα ε' αχαικον το στάμαν,  
 κ' επρότινεν χρισαφ κι' ασιμ ν' ελεφθερον τιν κόριν.  
 Τ' Απόλωνα τα στέφανα με το χρισον το σκίπτρον  
 εκράνεν, κε τι Αχευς πολα επαρακάλνεν,  
 κι' ασόλον πολα τι τρανυς, τι διο τι Ατρίδας.



Ι Αχει εστρέχτανε ει γέρονος τα λόγια,  
κ' ίπαν να δίγνε το κοριτς, να δέχκυνταν τα λίτρα.  
Ατρίδης Αγαμέμνονας ραζις ς' ατο κ' εγέντον,  
φοβέρτσεν, κακολόγεσεν κ' εδίεχσεν το γέρον.  
Ο Χρίσις τα παράπονατ εκλάφτεν ςον Απόλον,  
κι' ακρόαζιν πα ο θεον εδόκεν ςιν εφχίνατ.  
Σο στράτεμαν ανάμεσα εκρέμσεν τι χολέραν,  
κ' ι ζοντανι τ' αποθαμεντς να θάφνε κι προφτάνε.  
Το δρόμον τι γλιτομονις εράτσεμας ο Κάλχας,  
κ' εγο πρότος επίζμοσα το θέλιμαν ν' εφτάμε  
τ' Απόλωνα τι φωτινυ, για να ελεφθερύμες.  
Εθίμοσεν, επίζμοσεν Ατρίδης Αγαμέμνον,  
ς' εμεν απαν το πάθοςατ κε όλεν το κακόνατ.  
Τιν Χρισιίδαν έςτιλεν ςον κίρνατς μ' εκατόμβας  
κε ςτιλ κε περ αντι ς' ατεν τ' εμον τιν Βρισιίδαν,  
τίναν εδόκεμ' ο λαος, μιστον για τιν ανδρίαμ.  
Ατόρα, μάνα πρόφτασον κε το πεδις βοίθα,  
τ' άμιρον το καχότιχον! Τον Δίαν δέβα έδρια,  
τινος καρδιάν έχτισες με έργα κε με λόγια.  
Μικρον ντας έμυνα πεδιν, άκυα, εκυρφέφκυς,  
πος απο κίνδινον τρανον εγλίτοσες τον Δίαν,  
ολ ι θει: ι Αθινα, ο Ποσιδον, ι Ιρα,  
ατον ονταν θα έδεσαν. Τιν γιν, πιγιν επίρες,  
ένχες τον Εκατόνχιρον, τον γίγαν, το θερίον,  
περάσπισιν για να εφτάι τον Δίαν, τον Κρονιον.  
Ετρόμακσαν αλ' ι θει, με τα ςο,τα φογέθαν  
κι άλο να δεν' κ' επόρεςαν τον Νεφελιγερέταν.  
Ατα όλια θα λέςατον, κε με παρακαλίας  
θα φτάσατον βοίθιαν να δι τι τροαδίτας,  
για να νικυν τι Αχευς, να ρυζ μικρος Ατρίδης,  
για να γρικα το λάθοςατ, το φτέκσιμον ντ' επίκεν,  
κ' εμεν το όπος έπρεπεν να εκτιμα κ' εγρίκσεν.



Σ' ατα ι Θέτις απαντα, σίτια τρέχνε τα διάκριατς.  
— Πυλιμ, γιαντριμ, ντ' επίνασε, ντ' εφέρνασε σον κόζμον!  
Κ' έφτανεν, ντο λιγόζοον τ' εσον έτον ι Μίρα,  
τ' ολίγα τα ιμέραςις, ατα πα φαρμακόνε  
ι τυσσιμαν ι άσπλαχνι κι' αςολτς πολα Ατρίδις!  
Για τιν αγάπισ το πολα, σον Ολιμπον θ' εβγένο,  
θα κλέο, θα παρακαλο τον φοβερον τον Δίαν,  
το θέλιμας να γίνετε, πυλόπομ, θα παςκίζο,  
εκιν, εσεν π' εκλέντζανε, εκιντς για να κλενίζο.  
Εσι τιν πίκας μι' ανασπαλις, ας' Αχευς μακρα στα,  
σα σίνουδς μέρος μι περτς κε μίτε κε σα μάχας.  
Ο Ζεφς ατόρα μισαφιρτς, με τι θευς εντάμαν  
ς' εθίοπας εβρίετε, ς' οκεανυ τιν άκραν.  
Σα δόδεκα, θα κλόσσκετε ς' Ολίμπυ τα παλάτια,  
κι' ατότε πάγο βρίχατον κε λέγατον τα τέρτιαμ.  
Θα κλέγο, θα παρακαλο, σα γόνατατ θα ρύζο,  
να κλόθατον σο μέροςιμ, τρανα ελπίδς έχο.  
Ιπεν, κε συ οκεανυ επάτεπςεν τα βάθι.

Ο Αχιλεφς κλεί κι' ανασιρ, θιμάτε τιν Βρισιδαν,  
τιν προζβολιν κε τ' όνιδος, ντο ίδεν ας' Ατρίδς.  
Σ' αφτο το αναμετακςι σιν Χρίσιν Οδισέας  
επρόφτασεν με το χαραδ κε ένκεν τ' αργαμάδες.  
Σον λιμεόναν έρακσαν, επίλτσαν τα πανία,  
κατίδαςανε το τιρεκ, εδέσταν τα σκινία.  
Τιν Χρισιίδαν κσένκανε, κσένκανε τα θισίας,  
εκσέθεν κε ο Οδισεφς κ' ι κοπιλατ εντάμαν.  
Τιν Χρισιίδαν περ κε πάι σον κίρνατς Οδισέας,  
σα σσέριατ παραδιάτεν κε λεί αφτα τα λόγια.  
— Χρίσι, εκ μέρυς έρχομε τι βασιλέα Ατρίδι,  
τιν κόρις για να δίγοσε, φέρο κε εκατόμβιν  
για τον θεον Απόλονα, εσι τιναν λατρέδς.  
Επάρτε όλια, σπάκςτιατα κε πίστιατα θισίαν



κε λας εκσιλεόνομε τ' Απόλον τιν καρδίαν,  
κι' άνεσιν δίμας ενανχσάι κι' ασο κακον γλιτόν-μας.  
Δεί, κε σα σσέρια παραδι τι γέρνοσ τιν κόριν.  
Ανθροπ τι Χρίσι σο δομον εμάζεψαν τα ζόα,  
εσσερονίφταν όλιατυν, εράντσαν υλοχίτας,  
κι' ο Χρίσις για τι Αχευς εφχέθεν· σον Απόλον,  
απλόνοντας σον υρανον σον ιπσιλον τα σσέριατ.  
— Ακσομ' αργιστόκσαρε, δικόπορε τι Χρίσατ,  
τι Κίλας τι πλυτόχομυς, τι Τένεδυ προστάτι!  
Εκσεσμε, κε τι Αχευς επέδεψες βαρέα!  
Παράκλisiin εφτάγοσε κι' ατόρα 'πο καρδίας·  
Ελείσον τι Αχευς, οπισ ντος τι χολέραν!  
Τυ ιερέατ τιν εφχίν ακύγιατο Απόλον,  
κι' άνεσιν δι τ' αρόστιας κι' ασο κακον γλιτόνιατς.  
Επροσεφχέθαν όλιατυν, εράντσαν υλοχίτας,  
σπάζνε τα ζα, εγδέρνατα, χορίζνε τα μερία,  
τιλίζνατα αλίματα κε πσένε σι φοτίαν.  
Σίτια τσιρίζν' κε σκυτυλιζν' ραντίζιατα ο Χρίσις  
μ' ελόμαθρον, σσιρον κρασιν. Σο γιάνατ παλικάρια  
κλόθιατα με πεμπτόβολα, απαν αφκα να κέυν.  
Εκάαν κε ι κνίσατυν σον υρανον εκσέβεν.  
Ιστερα εκατέκοψαν τ' επίλιπον το κρέας,  
μαστοριακα ετίζεψαν σα σύβλας τα κομάτια,  
κε σι φοτίαν έψσεσαν, όσπυ να εκοκίντσαν.  
Ετίμασαν απαν σι χλόι, αδα κι' ακι τραπέζια,  
κ' έφαγαν κ' έπαν ο καθις, όσον ντο σιρ ι πσσίατ.  
Ασο φαγιν κε ίστερα ερχίνεσαν τραγόδια  
κ' ενκόμια για τον θεον κε ίμνυς για να πσάλνε.  
Κι' Απόλον, ασον Ολιμπον, εφχάριστα ακύγιατς.  
Ο ίλεν εδασίλεψεν, ερύκσεν ι σκοτία,  
έσοςεν κε το φαγοποτ, ερύκσαν κ' εκιμέθαν.  
Σο χάραγμαν τ' ανατελις ολ σο ποδαρ εδρέθαν,



εσέδαν σο καράβνατον, σο στάμαν ετιμάγαν.  
Ετίκεψανε το τιρεκ, απλόνε τα πανία.  
Φισα αέρας ύριος, περ δρόμον το καράβιν,  
εσκιζ τα πελάγι κε διαβεν κε τα νερα αφρίζνε.  
Αγλίγορα επρόφτασαν σ' αχαικον το στάμαν,  
εχσέδαν εκς κε ο καθις σο μέροσατ επίγεν.  
Στενοχορέφκετ' Αχιλεφς, σταλαφαριζ ι περσίατ,  
κι πάι σα σινεδρίασις, μέρος κι περ σα μάχας.  
Τα δόδεκα νιχτόμερα επέρασαν. Εκλόσταν  
ολ ι θει σον Ολιμπον, εντάμαν με τον Δίαν.  
Ι Θέτιδα κ' ενέσπαλεν το τάγμαν τι πεδίατς,  
ασι πελάγυ ανιβεν τ' αμέτρετα τα βάθι,  
εσκιζ τα νερα κε ιψιλα σον Ολιμπον εβγένι,  
μακρα εβρικ ασι θευς ολόμονον τον Δίαν,  
σα γόνατατ τιλίετε, σκαλον παρακαλίας.  
— Δία πατέρα, ασεμον τον πρόσωπον αν ίδες  
μικρον καλον με έργατα κε ίτε κε με λόγια,  
επέβγαλτο κε πέδεψον τον βασιλέα Ατρίδιν,  
π' επρόζβαλεν κι' ατίμασεν τεμον τον Αχιλέαν,  
τον γιομ τον ολιγόζοον, το άτιχον το σπλάχνομ!  
Ο Αγαμέμνον, με το ζορ, επέρεν ασα εσέριατ,  
τιν κορ, τιναν ι Αχει δόρομ ατον εδόκαν!  
Δία μεγαλοδίναμε, εβδόκισον ι Τρόες  
να δυναμόνε, τ' Αχευς σα μάχας να νιχόνε,  
κε τι πεδιμ το μεκατιρ ατότες ν' εγρικύνε!  
Ο Ζεφς ακύι, απάντισιν κι διάτεν σα λόγιατς  
κε νυνιγμένος κάθετε, τ' οφρίδιατ τζιλομένα.  
Καλόςπινκεν ι Θέτιδα με τ' άσπρα τα βρασιόνας  
τα γόνατατ, κ' ερχίνεσεν κσανα παρακαλίας.  
— Πίσον ιςμαρ κε τάχομε προς θ' εκτελας τον πόθομ,  
για πέμε όχι, ν' εγρικο, καλα να βεβεύμε  
ας ολτς εγο καθενκελα ασι θευς ντο ίμε.



Ο Ζεφς ο αστραπόβροντον με πόνον απαντάτεν.  
— Αχ, νέπρις, φαρμακερα σιτιάμια κι' ονιδίας  
έχο ν' ακύο άπιρα κσαν ασεμον τιν Ιραν!  
Χορις ατο πα ίσιχον έναν στιγμιν κι' αφίνμε,  
ντο βοιθο ςον πόλεμον τι τρόας ονιδίζμε!  
Εσι ςκυ δέβα ςο καλος, ι Ιρα μι νοίγςε,  
κε λόγον εγο δίγοςε το θέλιμας ν' εφτάγο,  
κε με τ' ιςμαρ τι κεφαλιμ τον λόγομ βεβεόνο.  
Τ' ιςμαρ ατο εν γιατεμεν βεθέοσι κε όρκος  
ντο ίπα πος θα εκτελο, ντο έτακςα θα δίγο.  
Κε το κιφάλνατ έςικςεν, κατίβαςεν τ' οφρίδιατ.  
Ταραςσιγμένον θάλαςα, κιμάτςαν τα μαλίατ  
κ' ετρόμακςεν όλον ι γι κι' ο Ολιμπον εσίεν.  
Ιπανε, εσιφόμεςαν εντάμαν κ' εχορίγαν.  
Ι Θέτιδα κλόςτεν οπισ, ςι θάλαςας τα βάθι,  
κι' ο Δίςς ςα ανάνκτορα, πυ ι θει προςμένε.  
Ελάνκεπςαν ολ ςο ποδαρ, ςιν απαντίνατ ςκύνταν,  
κι' ατος βαρις κε ςοδαρος, ςο θρόνονατ εκάτςεν.  
Ι Ιρα, αςιν όπςινατ διαμιας εγρίκςεν,  
πος έκλοςεν τα μιαλατ ι αναράιδα Θέτι,  
αφράτι κι' ασπροπόδαρος τ' Οκεανυ ι κόρι.  
Με πόνον ονιδίζιατον με κάκιταν, με πάθος.  
— Νε πονιρε, αςι θευς κσαν' τς' έλακςεν τι γνόμις;  
Μακρα ας ολτς, παράμερα κριφα κε ςα κεςςάδας,  
χτιγς κε γυρεφς ςα μιστικα τι κιφαλις δυλίας  
χορις εμεν να εροτςς, τα ςχέδιας να λες με.  
Κε ο πατέρας τον θεον κε όλον τον ανθρόπον  
γiriς τιν Ιραν απαντα με λόγια θιμομένα.  
— Μι θελτς όλα ντ' εκςέρο γο να λέγοςατα, Ιρα,  
κι ας ίςε κε ο ςίντροφομ, ας ίςε κ' ι γινέχαμ.  
Ντο ίνε για να λέχκυνταν, ντο ιν για ν' ανυςκύνταν,  
εσι μαθκντς κε ίςτερα αλ ι θει τ' Ολίμпу.



Κε ότι κ' εμπιστέφκυμε ασι θευς κανίναν,  
 τιν περσις ν'εβγαλτε πα μεθαρις ποσ θα μαθαντε καμίαν.  
 Κλεμέντσα δι απάντισιν ι μαβρομάτα Ιρα.  
 — Πολίδοκσε, τυ Κρόνυ γιε, νυνιγς ατα ντο ίπες;  
 Κε ποτ' εβίασα κ'εγο ν'αχύγο να μαθάνο  
 τεσα ταπεσ, τα μιστικα; Ι μάρσα ιπομένο,  
 σο λέζμε γίνυμε ραζις, καμίαν κι πιζμόνο.  
 Ομος πολα το σιμερνον ανισιχαμ'ο τρόπος,  
 τα κριφοπυςστιρίγματας με τιν νεράιδαν Θέτιν!  
 Ιδατεν ποσ τα γόνατας επιχτα, επιχτα νκαλιάστεν,  
 κ'ι κάρδιαμ εσιντρόμακσεν! Φογύμ', ασο χατίρνατε,  
 ει Αχείον το κιφαλ τρανον κακον θα έρτε!  
 Σ'ατα τα λόγια με χολιν γιριζ κε λεί ο Δίας.  
 — Παντ' αποπίσιμ κλόεσκεσε, πάντα κατασκοπέφσμε,  
 νε πονιρι, κε κ'εγρικας εσι εσεν ντο δλάφτις;  
 Ικραχ αετς εφτάγοσε κε ρύις ασιν καρδίαμ.  
 Κε κ'εγρικας, τ'ερεθιζμυμ ποσ γίνεσε ετία.  
 Τιν διαρμενίαμ αν ακυς, σον τόπος κάθκα τύλα,  
 κε μ'ερεθίγσμε παραπαν! Ατότε κι σιφτάνε  
 ολ ι θει βοίθιαν εσεν για να εφτάγνε.  
 Ετρόμακσαν ολ ι θει, εσύφροσεν ι Ιρα,  
 βαρίκαρδος ετύλοσεν κε λαχυσσιν κ'εκσένκεν.  
 Εστίμνοσανε ι θει κ'εκέρνε ντο να φτάγνε,  
 κε μοναχα ο Ιφεστον, ο πρότον ο τεχνίτες,  
 ομίλεσεν, σίτια τερι ει μάνανατ μερέαν.  
 — Αιλι εμας! Αχα πελιαν, κι' αχα τιριανισίας!  
 για να ταβίζνε ι θει γι'ανθρόπινα δυλίας,  
 να εκύτε κιχίαμυν, κε το γυρζυλ ντο τρόμε,  
 να μι πιαν απάνεμυν! Εσεν λέγο μιτέρα!  
 κ'εσι πα εγρικάσατο! Αφς τύλα τον πατέραν,  
 πιάνιατονε το πιστιμ κι'απαν αφκα εφτάίμας!  
 Ντο εν χορς παντοδίναμος ελέπομ'εγρικύμε;



Επαρτον, μάνα, με καλον, με το γλικιν τι γλόσαν,  
λας ιμερύτε, τριφερεν, κε πάβι ο θιμόσατ.  
Ιπεν, κε διαμαντόχρισον ποτιρ απλον ατέναν,  
κε λέατεν λαλασσεφτα κε με τι μαςχαρίαν.  
— Ιπομυνι, μανίτσα μυ, ατο εν ντο σιφέρτσε,  
ανκεν θα κοπανίζνεσε κε τσι θα γυρταρέφσε;  
Εγ' άλο κι ταράγυμε βοίθιαν κ'εφτάγο!  
Ντο ίδα κε ντο έπαθα καμίαν κι'ανασπάλο!  
Μίαν ονταν ετόλμεσα αντίκριατ ν'εβγένο,  
ν'εφτάγος' ιπεράσπισιν, ντο έσιρα, ντο ίδω.  
Ασο ποδαρ επίασεν κι ας Ολιμπυ τα ίπσι  
σιν γιν εκατραχίλτσεμε ο πιστιμλις ο χίριμ!  
Ολίμερτ κρεμίγυμυν κε ις' απαν σο βράδον,  
κοτσος κε μεσοσχότοτος, ερυκς' απαν σι Δίμνον!  
Σα λογικαμ, σπολάτι τυς, ένκαν εμεν ι Σίντες!  
Αχύγιατον, χαμογελα ασπρόλενος ι Ιρα,  
κε το ποτιρ απλον κε περ ας ατυνυ τα σσέρα.  
Πεδεχσσιαζμένα, νόστιμα, Ιφεστον τα ποτίρια  
γομον, κεραζ ολτσ τι θευς το θεικον το νέκταρ.  
Πίνε, έρθεν το κείφνατυν, γριλέφκυν ασα γέλτα,  
όνταν τερυν τον Ιφεστον, ασον χρισον κρατίραν,  
σίτια κοτσιζ, σίτια λαχμαζ, να κοβαλι το νέκταρ.  
Οζνα εβράδινεν καλα κε έδισεन ο ίλεν  
εκράτεσεν το φαγοποτ κ'ι νεκταροποσία.  
Μαστοριακα Απόλονας εκρύνεν τιν κιθάραν  
κι' ολόγλικα κε λιγερα τραγόδωνανε ι Μύσες.  
Κι' αφυ εβράδινεν καλα κ'ετζόκεπσεν ι νίχτα,  
καθέναςατυν άθελα εκλόστεν σο παλάτνατ,  
ντο έχτσенаτον Ιφεστον, ο πρότον ο τεχνίτες.  
Ο Ζεφς πα πάι σ'ανάκτορα, κσαπλύτε σο κρεβάτνατ,  
κε δίπλατ' ι ασπρόλενος, ι μαδρομάτα Ιρα.



## ΣΙΜΙΟΣΙΣ

1) Θεα. Ι θεα, τίναν αναφερ ο Ομιρον σιν αρχιν τι „Ιλιάδας“ εν ι μύσα Καλιόπι. Ι μύσες έσαν ενέα. Ι Κλιο μύσα τι ιστορίας, ι Εφτέρπι τι μουσικis, ι Θαλία τι κομοδίας, ι Μελπομένη τι τραγοδίας, (δράμα) ι Τερψιχόρι τυ χερυ, ι Ερατο τι ελεγιακis πίεςis, ι Πολίμνια τι λιρικis πίεςis, ι Υρανία τι αστρονομίας κε ι Καλιόπι τι επικis κε ιροικis πίεςis. Ι μύσες έσαν θιαγατέρες τυ Δία κε τις Μνιμοσίנים κε κατικίανατον ίχαν τα θυνα τι Ελάδας· τον Παρνακσον, τον Πίνδον, τον Ελικόνα. Αρχιγον κε οδιγόνατον ι μύσες ίχαν τον Απόλονα.

Ι αρχέι Ελινες ίχαν πολυς θευς κε θεας. Ι μεγαλίτερι θει έσαν δώδεκα. Ο Ζεφς (Δίας), πρόεδρος τυ σιμβυλίυ τον θεον, πατέρας τον θεον κε τον ανθρόπον, πανταδίναμος, αστραπόβροντος, νεφελιγερέτας, κίριος υρανο κε γis. Ι Ιρα, γινέκα τυ Δία, θεα τι ικογενιακis ζois, ο Ποσιδον, θεος τι θάλασσας, ο Πλύτον, θεος τυ κάτοκόζμυ, ι Αθινα, θεα τι γνόςis κε τι σοφίας, ι Αφροδίτι, θεα τι ομορφάδας, ο Απόλον, θεος τυ ιλίυ κε τυ φωτος, ο θεον τίναν ι Ελινες ετίμαναν περισότερον, ο Ερμis, θεος τυ εμπορίυ, τι κλεπσίας κε τι ιντελιγέντσιας, ο Αρις, θεος τυ πολέμυ, ο Ιφεστον, θεος τις τέχνis, ι Δίμιτρα, θεα τις γεοργίας, ι Αρτεμis, θεα τυ κινιγίυ. Εκτος απ' αφτος ι Ελινες ίχαν κε άλλυς πολυς, παρακατιανυς θευς κε θεας, όπος τιν Θέτιν, τι μιτέραν τυ Αχιλέα, τιν Εριν, θεαν τι φιλονικίας κ.α.

2) Μάντις. Ι μάντις (ανιχτις, φαλτζis) τυ χερυ, πυ περιγραφ ο Ομιρον, έσαν ιερομένα πρόσοπα, ανθροπι με μάθισιν κε με γνόςis. Τι τρανυς κε τι βασιλis πολα χατιρ κ' επίναν, τα γνόςisατον όμος εφίλατανατα μιστικα, κε τον λαον εκράναν σι σκοτίαν κε σιν αμάθιαν.

3) Θειςία. Τα θειςίας (κυρπάνια, πσαλμυς, αφιερόματα) έσαν



κε ἴνε ἕναν μέσον εκμετάλλεψις, ἕναν ἴδος φόρος (ναλογ) ντο επλέ-  
ρονεν κε πλερον ο αμαθις λαος, για ὄφελος τι ιερατικις τάξις. Ἰ  
ἀγρι, ι βάρβαρι λαι εθισίαζαν κε ἀνθρωπος. Ἰ Ελινες κε ι Εβρέι  
εφέκαν ενορις το ρινίθιον τι ἀνθρωποθισίας. Ἰ „ἀγία γραφι“,  
διλαδι το εβρέικον ι μυθολογία, αναφερ ος τελεφετέον ἀνθρωποθισίαν  
τιν θισίαν τυ Αβρααμ, ι ελινικι μυθολογία, αναφερ παράδειγμαν ἀν-  
θρωποθισίας τιν θισίαν τυ Αγαμέμνονα. Ο Αβρααμ θα εθισίαζεν ρον  
Ιεχοβαν το γιόνατ, τον Ισαακ. Ο Ιεχοβας αντι τυ Ισαακ ἐστειλεν  
κρίαρον για θισίαν. Ο Αγαμέμνον θα εθισίαζεν τιν διαγατέραναι  
Ιφιγένιαν ριν θεαν Αρτεμιν. Ἰ θεα ρον τόπον τ' Ιφιγένιας ἐστειλεν  
ελαφ.

Τον παλεον κερν τα θισίας ἔσαν το κριότερον θρικεφτικον  
ρινίθιον. Εθισίαζαν πρόατα, εγίδια, βύδια κε ἄλα ρόα. Τα θισίας,  
όπυ ἐспаζαν ποла ρόα, ἱσαμε εκατον βύδια, ἐλεγαναιτα ε κ α τ ο μ -  
β α ρ. Αναπόρπαστον μέρος τι θισίας ἔσαν κε τα υ λ ο χ ῖ τ α ρ,  
κοπανιζμένον κριθαρ, με το οπίον επαρπάτεβαν το κιφαλ τυ ρόου, ντο  
εθισίαζαν.

Τα θισίας εκρακολουθον, με το παλεον τι ριμασίαναιτον, ἀνά-  
μερα ρι ἀγριος κε βάρβαρος λαος κε με νεοτερικτικον πνέδμαν ἀνά-  
μερα ρι χριςτιανος κε ρι εβρέις. Τ' αρνία, ντο ρπάζνε ρο πάρχα  
εβρέι κε ι χριςτιανι, τα ρόα, ντο αφιερόνε ρον Αγερ κε ρε ἄλος  
αγίος, τα „πρσαλμυς“ κε τα παρόμια, επέμναν αρα παλεα ρινίθια τι  
θισίας.

4) Β α ρ ι λ ε φ ρ. Σο πατριαρχο-φευδαλικον γαθερτος, ντο  
περιγραφ ο Ομιρον, βασιλεφς ἔτον ο δυνατότερον τυ χορι, ἴτε τι πο-  
λιτίας, πυ ἴχεν περισότερα χόματα, περισότερον βίον. Ο βασιλεφς  
εν κερν ἱρίνις ἔτον εμ ιερέας, εμ δικαςτις. Εν κερν πολέμυ, εγίνυ-  
τον αρχικτράτιγος. Ο Ομιρον ριν «Ιλιάδαν» αναφερ βασιλιν τον  
Αγαμέμνονα, βασιλέα τον Μικινον, τον Μενέλαον, αδελφον τυ Αγα-  
μέμνονα, βασιλέα τις Σπάρτις. Αφτυνυς λέγιατς κε Ατρίδας, επιδι-  
κίρτσατυν ἔτον ο Ατρεφς. Εκτος αφτυς αναφερ κε τον Οδισέα, βα-  
σιλέα τι Ιθάκις, τον Αχιλέα, πυ ονομάζιατον κε Πιλίδιν, βασιλέαν  
τι Φθίας, τον Πρίαμον, βασιλέαν τι Τροάδας.

5) Ο λ ι μ π ο ρ. Ο Ολιμπος, το ιπριλότερον βυγον τι Ελά-  
δας, εβρίετε ρι Θεραλίαν. Σίφονα με το ελινικον τιν μυθολογίαν,  
ριν χοριφιν τυ Ολίμπυ ἴχαν τιν κατικίαναιτον ι θει, κε γι' αφο  
ονόμαζαναιτς κε Ολίμπιυς.

6) Δ ῖ τ ρ α. Δίτρα ἔσαν τα χρίματα, ἴτε τα πράγματα, ντο  
εδίναν, για να ελεφεθερόνε τι εχμαλότυς.



7) Δάφια. Δάφια ἔσαν ἡ ἐχμάλου, τὰ ζῶα καὶ τὰ πράγματα, ὅτε ἐρπαζαν τὸν κερὸν τοῦ πολέμου ἡ νικητὴ αἰ νικημένους.

8) Τροάδα. Ἡ Τροάδα (Τροας, Τρία, Ἰλιον) ἔτον πολιτεία, καὶ γαλάκρια τῆς Μικρᾶς Ἀσίας, βοριότερα αἰς Σμύρνην. Εὐριόθεν τὸν κερὸν τοῦ τρωικοῦ πολέμου. Ἡ Ἰθάκη ἐν νησίν Ἑλληνικὸν καὶ Ἰόνιον πέλαγος. Ἡ Σπάρτη, μικρὸν πολιτεία τῆς Πελοποννήσου, ἕναν κερὸν ἀπέκτισεν μέγαλον δυνάμιν καὶ ἐκχυρίαν καὶ ἐπὶ νεν κογκορέντσαν μετὰ Ἀθήνας, τὸ κοζμοεκραχυζμένον τὴν πολιτείαν τοῦ ἀρχέου κόσμου. Τὸ Ἄργος, μικρὸν πολιτεία τῆς Πελοποννήσου. Ἡ Μικίνα, τὸ δοκσαζμένον ἡ προτέβουσα τὸν Ἀτρίδον. Οὐσίμερον ἀπάκια μόνον ἐπέμναν.

9) Βομός. Βομός (θυσιαστήριον) ἔτον τὸ μέρος, ὅπου ἀπαν ἐρπαζαν τὰ θύματα (κυρπάνια) ἡ ἀρχεῖ. Σὺν χριστιανικὴν θρυσκίαν τοῦ βομοῦ ἀντικατέστισεν «ἡ ἀγία τράπεζα».

---







Ц. 1285  
Акт № 108  
ВКН ДН. Д.















4742:3=

D 17  
70-Aa

Тірі 45 х.

Цена 45 к

3

3

Илиада

Склад издания:  
Московская 53, Ростов н-Д.  
КНИГОЦЕНТР.



4742.3-

D 17

70-Aa

Тирт 45 к.

Цена 45 к.

ω

υ

Илиада

Склад издания:  
Московская 53, Ростов н-Д.  
КНИГОЦЕНТР.



47423-

D 17  
70-Aa

Тіри 45 х.

Цена 45 к

В

Плиада

Склад издания:  
Московкая 53, Ростов н-Д.  
КНИГОЦЕНТР.















D 17  
70-Aa